



Atassut-ip inatsisartuni ilaasortaaitai:  
Augusta Salling, Ellen Christoffersen, Kristian Jeremiassen,  
Thomas Kristensen, Godmand Rasmussen

### **Inatsisartut Suleriaasianni § 36, imm. 1 naapertorlugu Atassut-ip inatsisartuni ilaasortaaitaasa apequtaannut akissut**

Pisortaqarfik Inatsisartut Suleriaasianni § 36, imm. 1 naapertorlugu Atassummit apeqquteqarfigineqarpoq:

”Kalaallisut atuartsinerup saniatigut oqaatsinik atuartsinerup nukittorsarnissaanut Naalakkersuisut sunik pilersaaruteqarpat? Tamatuma saniatigut qanoq amerlatigisut Danmarkimi oqaatsinik højskolernissamut akuerisaasarlutillu aningaasaliiffigineqartarnersut, kiisalu oqaatsinik højskolertartut amerlisinnissaannut Naalakkersuisut pilersaaruteqarnersut paaserusupparput?”

Atuartut oqaatsitigut piginnaasaat nukittorsarniarlugu Naalakkersuisut assigiingitsunik suliniuteqarput. Atuarfitsialammi oqaatsinik piginnaasat qaffassarniarlugit annertuumik iliuuseqartoqarpoq. Atuarfik pillugu Inatsisartut peqqussutaanni nr. 8-mi, 21. maj 2002-meersumi siunertaq pillugu paragraffini oqaatsitigut piginnaasat taaneqareerput. Taamatuttaaq § 8-mi taaneqarpoq oqaatsit atuartsissutigineqartut tassaasut kalaallisut danskisullu, kiisalu aamma tuluttut atuartsisoqarsinnaasq. Taamaalilluni oqaatsit sammisatut atuartsissutigineqarnissaat kisimi siunniunneqarani aammali oqaatsit pingasut atuartsissutitut atorneqarsinnaanerit siunniunneqarpoq, taamaaliornikkut oqaatsit atorneqarnerulissallutik. Inatsisartut peqqussutaanni tassani ilanngussa q 1-imi allassimavoq: ”Kalaallit qallunaallu oqaasiinik atuartsineq ukiup atuartinneqarfiup siulliup aallartinneraniit ingerlanneqalereertassaaq. Taamaaliornermut ilaatigullu allamiut oqaasiinik sammisaqartitsilluni ineriartortitsinikkut oqaasertaartitsiniarnermik aaqqissuussisoqartassaaq. Tuluttut atuartinneqarneq ukiut aturfiusut sisamaanniit aallartittassaaq, ukiullu aturfiusut arfineq-pingajuanni allamiut oqaasiisa pingajui qinigassatut neqeroorutigineqartassapput. Neqeroorutit taakkua tyskit tuloqutsilluunniit oqaaserisinnaavaat, oqaatsilli allat aamma neqeroorutigineqarsinnaapput.” Taamaalilluni ukiumit atuartinneqarfimmit siullermit oqaatsinik atuartsinerulernissaq siunniunneqarpoq, atuartut oqaatsitigut piginnaasaat qaffassarniarlugit.

Namminersornerullutik Oqartussat 1990-ikkunni Sisimiuni Oqaatsinik Pikkorissarfik aallartippaat, tassani siunertarineqarpoq ilaatigut tassani oqaatsit pillugit pikkorisarnissanik pilersaarusiortarnissaq pikkorissartitsisarnissarlu, kiisalu pikkorissarfiup ilisimasaqarfittut ingerlanissaa oqaatsinillu atuartsinermut tunngasunik siunnersuisarnissaa. Pikkorissarfik aamma oqaatsinik højskolenut qinnuteqartunik in-

19. december 2006  
J.nr. 02.23-00032  
Dok.nr.220745  
Postboks 1029  
3900 Nuuk  
Oq/tel +299 34 50 00  
Fax +299 32 20 73  
Kiip-mail@gh.gl  
www.nanoq.gl/kiip

nersuussisartuuvoq tassanngaanniillu ilisimatitsissutigineqarpoq 2006/07-imut kommuninit 17-iniit qinnuteqartut 127-usimasut. Pikkorissarfik ukioq naallugu atuartunut aqqaneq-marlunnut ukiulluunniit affaani atuartunut 19-inut aningaasassaqaarpoq. Tamatuma saniatigut innarluutilinnut (naqinnernik ilisarinnissinnaanngitsunut, tusilartunut il.il.) ukioq naallugu inissat sisamaapput. Pikkorissarfimmit ilisimatitsissutigineqarpoq qinnuteqartut 75 %-iisa missaat højskolerniarnissamut pissutissaqarluartartut.

Aammattaaq Oqaatsinik Pikkorissarfik kalaallinik Danmarkimi efterskolernissamut qinnuteqartunik innersuussisartuuvoq. Aningaasanut inatsimmi efterskolernermut aningaasaliisarnermi siunertaq pillugu ilaatigut allassimavoq: "Danmarkimi efterskolimiinnissamut tapiissutit ilinniartitaanerup qaffasissusia tamakkiisoq nukit-torsaaviginarlugu suliniutinut arlaliusunut ilaatinneqarput, tassunga ilanngullugu atuartut ingerlaqqiffiusumik ilinniarnissamut oqaatsitigullu piginnaasaannik nukit-torsaanissaq." Ukiumi atuarfusumi 2006/07-imi atuartut 240-t missaanniittut efterskoleriartut.

Taamatuttaaq Nunatsinni efterskoliliornissaq maanna sulissutigineqarpoq. Ilinniartitaanermut pilersaarummi 2005-imi decembarimeersumi imm. 2.1.2-mi "*Efterskolemiinnerit oqaatsit isiginarlugit*" allassimavoq:

"Naalakkersuisut taamaattumik siunnersuutigivaat Kalaallit Nunaanni efterskolimik pilersitsinissamut aningaasanik atugassanngortitsisoqassasoq. Siunertaavoq efterskoli taanna danskisut piginnaasat ajorpallaarneri pissutigalugit Danmarkimi efterskolimut inuusuttunik isersinnaanngitsunik tiguisinnaassasoq. Kalaallit Nunaanni efterskolip atuartitsissutigut samminninnerani taamaattumik oqaatsitigut salliutinneqassapput danskisoorneq aamma tuluttut, inuusuttullu kalaallisut oqallorissuunngitsut kalaallisoornissaat pingaarnerusunut tulluittullugit kiisalu pingaarnert pingajuattut ilinniartitsissutit ilaatigut inuusuttunut pilerinartuusut, ilaatigut Kalaallit Nunaanni inuusutissarsiutinut ineriartortunut samminnittut assersuutigalugu takornariaqarnermut." Inissivissaq suli isummerfigineqanngilaq.

2006-imi januaarimi aallartittumik KIIP-ip kommunini Piareersarfiit suleqatigalugit inuusuttut 14-it isorliunerusuneersut Danmarkimi qaammatini sisamani højskolertinneqarnerannik misiligutitut suliaq ingerlappaa. Atuartut angusaannik pitsaasumik nalileereernikkut højskolertitsisarneq Danmarkimi højskolit katillugit pingasunngorlugit annertusineqarpoq. Taamaalilluni atuartut 47-t kommuninit assigiinngitsuneersut 2006-imi oktobarimi oqaatsinik ilinniariartorput qaammatini tallimani sivissuseqassangatinneqartumik.

Højskolertarneq pingaartumik kalaallit inuusuttut tuluttut danskisullu oqaatsitigut piginnaasaminnik pitsanngorsaannissaat siunertarlugu aqqissuunneqarpoq. Højskolit siunertamut tamatumunnga oqaatsinik atuartitsinertaanut atuartitsinissamut pilersaaruserput. Siunertaaneruvoq periarfissap tamatuma inuusuttunit ilinniaqperusuttunit oqaatsitigullu ajornartorsiuteqartunit iluaqutigineqarnissaa.

Piareersarfinnut kommunimit tunniunneqartartut ilaattut atuartunut tapiissutit atuartut højskolernerannut (nerisaqarnermut ineqarnermullu) atorneqarsinnaanerat KIIP/SIIP-ip akueraa. Pisortaqarfik atuartunut atuarnermut tapiissuteqartarpoq.

Kommunit aqqaneq marluk taakku suliameq peqataasut atuartunut 47-nut maanna aallareersunut angalanernut akiliipput.

Oqaatsit sammillugit højskolernerit taakku nutaasorujussuupput sulilu ilusivissaat atorneqaleratik, tassami imarisamikkut angusaqarfiusunillu ingerlaavartumik naliliiffigineqartarmata.

Ikinngutinnersumik inuulluaqqusillunga

Tommy Marø

Naalakkersuisunut ilaasortaq